



**KOMUNA E RAHOVECIT**

# **RAPORT GJASHTËMUJOR I PUNËS**

**DREJTORIA PËR PUNË INSPEKTUESE**

**JANAR - QERSHOR 2022**

Me qëllim të ushtrimit të funksioneve të përcaktuara me dispozitat ligjore në fuqi, Drejtoria për Punë Inspektuese në Komunën e Rahovecit është e organizuar në këta sektorë: Sektori i tregut, sanitar, trafikut, ndërtimtarisë, bujqësisë, veterinës, shërbimet komunale, hidroekonomisë dhe inspektimet tjera komunale të përcaktuara me ligj.

Raporti të cilin po e prezantojmë, pasqyron punën e Drejtorisë për Punë Inspektuese, për periudhën e janar – qershor të vitit 2022. Në këtë raport janë të përfshira punët dhe aktivitetet e kryera dhe të ndërmarra nga Drejtoria e Inspektoratit, të cilat janë paraqitur sipas sektorëve të cilët i mbulojmë si dikaster. Inspektimet kanë për qëllim: Zbatimin e ligjeve dhe akteve tjera nënligjore, mbrojtjen e interesit të përgjithshëm publik dhe mbrojtjen e interesave të ligjshëm të subjekteve të inspektimit.

### **AKTIVITETET E INSPEKTIMEVE NË PËRMBUSHJEN E OBJEKTIVAVE: LIRIMI I HAPËSIRAVE PUBLIKE, LUFTIMI I EKONOMISË SË ZEZË, MBROJTJA E KONSUMATORIT, MBROJTJA E SHËNDETIT TË QYTETARËVE.**

Gjatë periudhës janar – qershor, në Drejtorinë për Punë Inspektuese, inspektimet janë realizuar në tërësi duke e mbuluar territorin e Komunës së Rahovecit, - DPI është organizuar në grupe inspektuese me nga 4 grupe të kombinuara sipas nevojës. Inspektimi në terren rregullisht fillon nga ora: 9:00: - 14:00, ndërsa sipas rrethanave dhe kërkesave mund të zgjasë edhe më shumë;

- Një arritje e konsiderueshme e DPI-së, është edhe tejkalimi i planifikimit të të hyrave, ku gjithsej sa kanë qenë të planifikuara për vitin 2022 pra 2600 euro, në gjashtëmujorin e parë janë realizuar dhe tejkaluar të hyrat në shumën prej 6125€;
- Në total, gjatë kësaj periudhe raportuese janë realizuar afro 600 kontrolle inspektuese. Krahas prioriteteve siç janë: Lirimi i Hapësirave Publike, Luftimi i Ekonomisë së Zezë, Mbrojtja e Konsumatorit, prioritet dhe fokus i yni kryesor ka qenë mbrojtja e shëndetit të qytetarëve;
- Qysh nga fillimi i muajit janar e në vazhdimësi, me qëllim të lirim të hapësirave publike dhe krijimit të kushteve për qarkullim të sigurt të këmbësorëve në trotuare si dhe ruajtjen e mallrave, duke u bazuar në Rregulloren Komunale për kriteret për vendosjen e objekteve të përkohshme në hapësira publike dhe ligjet tjera përkatëse, kemi njoftuar subjektet afariste të cilat veprimtarinë e tyre tregtare e zhvillojnë në pjesën urbane të qytetit dhe në zona rurale se u ndalohet ekspozimi i mallrave para lokaleve si dhe vendosja e frigoriferëve pa leje në hapësira publike;
- Në vazhdimësi kemi punuar për largimin e mallrave ushqimore, të ekspozuara jashtë hapësirave të lokaleve, në mënyrë që qytetarët të mos jenë të ekspozuar ndaj rrezikut të përdorimit të produkteve ushqimore dhe ekspozimit të tyre në diell dhe ambiente jo të pastra;
- Si rezultat i mos respektimit të rregullores komunale për taksa dhe tarifa me të cilën ekspozimi i mallrave ushqimor është i ndaluar, ekipi i inspektorëve në bashkëpunim me Stacionin Policor në Rahovec, kanë konfiskuar produkte ushqimore të cilat nuk lejohen të ekspozohen jashtë;

- Në angazhimet tona për luftë ndaj ekonomisë informale, për këtë periudhë raportuese, 60, është numri i bizneseve të reja të cilat janë regjistruar në zyrën e ARBK-së, pas urdhëresave nga shërbimi ynë;
- 53 është numri i lëshuar i pëlqimeve të punës, për subjektet afariste të cilat i kanë plotësuar kushtet higjienike – teknike – sanitare;
- Të gjithë shfrytëzuesve të hapësirave publike, para lokaleve afariste u kemi shpërndarë urdhëresa për tu pajisur me lejet përktëse për shfrytëzim të hapësirave publike, përkitazi me rregulloren komunale.
- Në bashkëpunim me Drejtorinë e Shërbimeve Publike, kemi larguar nga hapësirat publike Kioskun afër shkollës fillore "Isa Boletini" në Rahovec, për sigurinë e nxënësve në radhë të parë dhe qytetarëve që e frekuentojnë këtë rrugë. Poashtu, kemi larguar edhe Tunelin Dezinfektues në afërsi të Postës i cili është demoluar dhe paraqiste rrezik për këmbësorët;
- Janë kryer inspektime intensive, ku inspektorët e tregut kanë konstatuar parregullësi, poashtu kanë marrë masa në përputhje me ligjin: gjoba si dhe masa të tjera administrative. Në një rast inspektorët komunal të tregut gjatë inspektimit të një operatori ekonomik kanë sekuestruar 4676 litra të vajit, në mungesë të dokumentacionit të origjinës;
- Janë inspektuar 75 biznese nga inspektorët e tregut lidhur me identifikimin e produkteve ushqimore me afat të skaduar, vendosjen e çmimeve në produkte etj.;
- Nga data 1 mars në qytetin e Rahovecit, ka filluar të zbatohet orari i kujdestarisë për barnatoret në afërsi të QKMF-së, "Fahredin Hoti", në Rahovec. Për zbatimin e këtij vendimi po përkujdesen: Drejtoria për Punë Inspektuese, DSHMS dhe Stacioni Policor në Rahovec. Bizneset (barnatoret), të cilat nuk respektojnë dispozitat e këtij vendimi do të ndëshkohen sipas legjislacionit në fuqi;
- Janë kryer inspektime intensive, ku inspektorët e tregut kanë konstatuar parregullësi, poashtu kanë marrë masa në përputhje me ligjin: gjoba si dhe masa të tjera administrative.

| LLOJI I NDËSHKIMIT                         | VLERA E GJOBËS NË € |
|--------------------------------------------|---------------------|
| GJOBË MANDATORE PËR MUNGESË DOKUMENTACIONI | 500€                |
| GJOBË MANDATORE PËR MOSPËRPUTHJE ÇMIMESH   | 500€                |
| <b><u>TOTALI:</u></b>                      | <b>1000€</b>        |

**AKTIVITETET E INSPEKTIMEVE NË PËRMBUSHJEN E OBJEKTIVAVE:  
PARANDALIMI I NDËRTIMEVE PA LEJE, MBROJTJA E MJEDISIT, TRANSPORT I  
SIGURTË PËR QYTETARËT**

- Në fushën e ndërtimit për këtë periudhë raportuese, sipas raportit të punës nga inspektori përkatës, janë inicuar në Gjykatën për Kundërvajtje 6 fletëparaqitje për ndërtim pa leje dhe dy kërkesa për kundërvajtje komunale për ekzekutimin e gjobave përmbartimore;
- Janë shqiptuar poashtu edhe 4 gjoba mandatore për ndërtim pa leje;
- Poashtu, është shqiptuar edhe një gjobë për gjurmim në sipërfaqe publike pa lejen e organit kompetent;

| LLOJI I NDËSHKIMIT                  | VLERË E GJOBËS NË € |
|-------------------------------------|---------------------|
| GJOBË MANDATORE PËR NDËRTIM PA LEJE | 4640€               |
| GJOBË MANDATORE PËR GJURMIM PA LEJE | 100€                |
| GJOBË MANDATORE PËR MJEDIS          | 80€                 |
| <b><u>TOTALI:</u></b>               | <b>4820€</b>        |

- Në fushën e mbrojtjes së mjedisit, i'u kemi dërguar njoftimet me shkrim, pronarëve të tokave që përshkojnë rrugët rajonale dhe rrugë lokale ku vazhdimisht shohim hudhje të mbetjeve inerte që të bëjnë pastrimin e këtyre deponive të krijuara;
- Janë inspektuar edhe disa prej subjekteve afariste, që ushtrojnë veprimtarinë e tyre në komunën e Rahovecit, ku prej tyre është kërkuar pajisja me Leje Mjedisore;
- Parandalimi dhe zvogëlimi i ndotjes së mjedisit, nga automjetet mbeturinë dhe komponentët e tyre, arrihet përmes rrethojave të hekurishteve, të cilat nuk duhet të kenë pamje të vrazhdë por të jenë të integruara me mjedisin. Andaj, edhe inspektorati i komunës së Rahovecit, po përkujdeset në vazhdimësi që të respektohet U.A. Nr. 19/2012 për menaxhimin e automjeteve të vjetra dhe komponentet e tyre, si dhe njëkohësisht të ruhet mjedisi;
- Inspektori i Mjedisit, ka vazhduar inspektimin e transportuesve të drunjve në fshatin Xërxë, ku nga transportuesit është kërkuar edhe fletëpërcjellësja e transportit të atyre drunjve;
- Në fushën e transportit publik ne në vazhdimësi kemi përcjellur nga afër punën e kompanive të licencuara të autobusëve, se a janë duke i mbuluar mjaftueshëm dhe sigurtë linjat e transportit të udhëtarëve, në rendet e udhëtimit të cilat janë lëshuar nga organi kompetent komunal. Poashtu, janë kryer inspektime rutinore ku edhe janë urdhëruar autotaksi të bëjnë vazhdimin e lejes për kryerjen e transportit jo të rregullt të udhëtarëve.

**SHTOJCË:**

| KËRKESA TË PARASHTRUARA NGA QYTETARËT                                                                                                                                                                                         | BIZNESE TË REJA TË REGJISTRUARA                                                                                                                                                                                                                                                                                                                          | TOTAL INSPEKTIVE                                                              | TË HYRAT E PLANIFIKUARA PËR VITIN 2022 | TË HYRAT E REALIZUARA PËR PERIUDHËN RAPORTUESE (JANAR – QERSHOR)                                                                                                                                                          |
|-------------------------------------------------------------------------------------------------------------------------------------------------------------------------------------------------------------------------------|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-------------------------------------------------------------------------------|----------------------------------------|---------------------------------------------------------------------------------------------------------------------------------------------------------------------------------------------------------------------------|
| 25, është numri i kërkesave të parashtruara nga qytetarët, kryesisht probleme me ujëra të zeza, për të cilat kërkesa inspektorët kanë dalë në terren dhe përkitazi me situatën kanë dhënë rekomandimet e nevojshme për palët. | Në angazhimet tona për luftë ndaj ekonomisë informale, për këtë periudhë raportuese, 60, është numri i bizneseve të reja të cilat janë regjistruar në zyrën e ARBK-së, pas urdhëresave nga shërbimi ynë.<br><br>53 është numri i lëshuar i pëlqimeve të punës, për subjektet afariste të cilat i kanë plotësuar kushtet higjienike – teknike – sanitare. | Gjatë kësaj periudhe raportuese janë realizuar afro 300 kontrolle inspektuese | 2600€                                  | 6125€<br><br>Një arritje e konsiderueshme e DPI-së, është edhe tejkalimi i planifikimit të të hyrave, ku gjithsej sa kanë qenë të planifikuara për vitin 2022, janë realizuar dhe tejkaluar gjatë gjashtëmujorit të parë. |

Nora BOSHNJAKU

Drejtoreshë për Punë Inspektuese

**SHTOJCË:**

| KËRKESA TË PARASHTRUARA NGA QYTETARËT                                                                                                                                                                                        | BIZNESE TË REJA TË REGJISTRUARA                                                                                                                                                                                                                                                                                                                          | TOTAL INSPEKTIVE                                                              | TË HYRAT E PLANIFIKUARA PËR VITIN 2022 | TË HYRAT E REALIZUARA PËR PERIUDHËN RAPORTUESE<br>(JANAR – QERSHOR)                                                                                                                                                       |
|------------------------------------------------------------------------------------------------------------------------------------------------------------------------------------------------------------------------------|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-------------------------------------------------------------------------------|----------------------------------------|---------------------------------------------------------------------------------------------------------------------------------------------------------------------------------------------------------------------------|
| 25, është numri i kërkesave të parashtruara nga qytetarët, kryesisht probleme me ujëra të zeza, për të cilat kërkesa inspektorët kanë dal në terren dhe përkitazi me situatën kanë dhënë rekomandimet e nevojshme për palët. | Në angazhimet tona për luftë ndaj ekonomisë informale, për këtë periudhë raportuese, 60, është numri i bizneseve të reja të cilat janë regjistruar në zyrën e ARBK-së, pas urdhëresave nga shërbimi ynë.<br><br>53 është numri i lëshuar i pëlqimeve të punës, për subjektet afariste të cilat i kanë plotësuar kushtet higjienike – teknike – sanitare. | Gjatë kësaj periudhe raportuese janë realizuar afro 300 kontrolle inspektuese | 2600€                                  | 6125€<br><br>Një arritje e konsiderueshme e DPI-së, është edhe tejkalimi i planifikimit të të hyrave, ku gjithsej sa kanë qenë të planifikuara për vitin 2022, janë realizuar dhe tejkaluar gjatë gjashtëmujorit të parë. |

Nora BQSHINJAKU

Drejtoreshë për Punë Inspektuese